

## Radio e Televisiun Rumantscha RTR

Las-Alps-infoteca  
Esther Bigliel  
Via da Masans 2  
CH-7002 Cuir  
Tel. 0041 (0)81 255 75 75  
Mobile 0041 (0) 79 579 89 90  
Mail: [infoteca@LasAlps.org](mailto:infoteca@LasAlps.org)  
[www.lasalps.org](http://www.lasalps.org)

La chasa da medias da las Alps  
Das Medienhaus der Alpen  
La maison de médias des Alpes  
Il centro mediatico alpino  
Medijska hiša Alp



## Las-Alps-infoteca - ina plattforma per infurmaziuns da las Alps

**Cuir, ils 08-11-10 - Passa 100 represchentantas e represchentants da medias, administraziun, politica, economia ed NGO's discutan venderdi e sonda proxima davart la necessitad e realisabladad d'ina chasa da medias da las Alps. L'impuls per Las-Alps-infoteca è vegnì da Radio e Televisiun Rumantscha RTR.**

En vista a la globalisaziun da noss temp survegn la collavuraziun sur ils cunfins adina dapli paisa – damai er en il territori alpin. Già dapi ils onns settanta ed otganta exista cun la ArgeAlp en las Alps centralas, la COTRAO e l'Alpen-Adria al vest ed a l'ost da las Alps ina collavuraziun politica instituzionalisada che surpasa ils cunfins dals singuls stadis. Las organizaziuns nunguvernementalas possedevan già cun la fundaziun da la CIPRA il 1952 ina rait internaziunala. Cun la Convenziun da las Alps han ils stadis da las Alps la finala creà il 1991 in instrument per la protecciun durabla da las Alps. Retards hai dà e datti tar la ratificaziun dals protocols. Main prosperavla è stada enfin oz la collavuraziun en il sector da las medias, surtut n'exista quasi nagina collavuraziun transcunfinala.

### Collavuraziun sur cunfin

Las-Alps-infoteca duai damai meglierar la collavuraziun transcunfinala da las medias. Las-Alps-infoteca vul esser ina plattforma d'infurmaziun da las Alps, in center per intermediar infurmaziuns davart il territori alpin. L'intent è da stgaffir ils proxims onns a Cuir in center da cumpetenzza per las medias en las Alps. La Radiotelevisiun Svizra Rumantscha vul lantschar quest project, però n'èsi betg l'incumbensa da la RTR u da la SRG SSR idée suisse da surpigliar la responsabladad u d'administrar Las-Alps-infoteca. Per quest intent vul ins stgaffir in'instituziun responsabla independenta che sto anc vegnir definida.

La finamira da questa dieta a Cuir è dad instradar il project Las-Alps-infoteca sco plattforma per infurmaziuns da e davart las Alps tant dal punct da vista tematic sco er organisatoric.

La dieta vegn inaugurada dal president da la regenza grischuna Claudio Lardi. Il professor da l'Universitad dad Erlangen-Nürnberg Werner Bätzing, in conuschider profund da las Alps referescha suenter davart la necessitad d'in chasa da medias per las Alps. Il segund di s'occupa la cussegliera federala Eveline Widmer-Schlumpf cun la dumonda sche las Alps represchentan in'unitad. Plirs represchentants da medias, administraziuns u NGO's da las Alps fan intervenziuns che vegnan discutas lura dals participants da la dieta en differents workshops.

La dieta en la chasa dal cussegl grond è publica è po vegnir visitada era dad in public interessà. Il program detaglià sa chatta sin [www.LasAlps.org](http://www.LasAlps.org).

### Ulteriuras infurmaziuns:

Radio e Televisiun Rumantscha RTR  
Las-Alps-infoteca  
**Ruedi Bruderer**, manader da project  
Via da Masans 2  
CH-7002 Cuir  
Tel. 0041 (0)81 255 75 75  
Mobile 0041 (0) 79 254 47 26  
Mail: [infoteca@LasAlps.org](mailto:infoteca@LasAlps.org)  
[www.lasalps.org](http://www.lasalps.org)